



原文 (Hot saw daj 《Raeblaeng Daxboh》aeu):

我看见他戴着黑布小帽，
穿着黑布大马褂，深青布棉
袍，蹒跚地走到铁道边，慢慢探身下去，尚不大难。可是他穿过铁道，要爬上那边月台，就不容易了。他用两手攀着上面，两脚再向上缩；他把肥胖的身子向左微倾，显出努力的样子。这时我看见他的背影，我的泪很快地流下来了。

译文 (Ciuq douzgaug bien gonq bien laeng fat):

Gou yawj raen de daenj aen mauh baengz ndaem ndeu, geu buhgap baengz ndaem hung ndeu, geu buhbauz raez ceb ndeu, saemxsaemx saxsax byaij daengz henz dietloh, menhmenh ngaem ndang roengzbae, lij mbouj daih nanz. Hoeng de con gvaq dietloh, yaek benz hwnj aen camhdaiz baihaenx bae, couh mbouj yungzheih lo. Song fwngz de bin baihgwnz, song ga caiq suk doxhwnj; aen ndang bizbwdbwd de lingq gvaq baihsuix, yienh'ok aen yienghcej roengzrengz daeuj. Seizneix gou yawjraen ngauezlaeng de, raemxda gou gig vaiq couh lae roengzdaeuj lo.

(宾阳县 *Veiz Yuzungj*/韦汝永)

Gou yawjraen gwnzgyaeuj de daenj aen mauh ndaem iq he, gwnzndang daenj buhmajgva ndaem, buhboemz camz, saemxsax byaij daengz henz dietloh, menhmenh damq ndang roengzbae, lij caengz raen miz maz dwgrengz. Hoeng de ndonj gvaq dietloh, yaek benz hwnj yezdaiz baihaenx bae, couh mbouj baenzlai ngaih lo. De yungh song fwngz gaem dawz baihgwnz, caiq suk song fajdin hwnjbae; aen ndang bizbwdbwd de ngengq gvaq mbiengj baihsuix bae di he, roxnyinh de gig dwgrengz. Mwhneix gou yawjraen gij ngauez-baihaeng de, raemxda couh gig vaiq nyaenx mbouj ndaej caegcaeg doek roengzdaeuj lo.

(平果市 *Vangz Gijveiz*/黄启维)

Gou raen de daenj mauh fonx, buhgaeb ndaem, buhfaiq camz raez, saemxsax byaij daengz henz dezda, yaeng'yaeng damq ndang roengzbae, gijneix mbouj sinhoj. Hoeng de byaij gvaq dezda, aeu bin hwnj aen daiz baihaenx, couh mbouj yungzheih lo. Song faj fwngz de bin baihgwnz, song

ga caiq coh baihgwnz sou bae; aen ndang bizbw de nyengq gvaq baihsuix bae, yawj daeuj gig hairengz. Seizneix gou raen ngauezlaeng de, raemxda couh loenqbyoegbyoeg.

(平果市 *Liengz Couhli*/梁洲利)

Gou raen de daenj mauh baengz ndaem iq ndeu, daenj buhdinj baengz ndaem ndeu, bauzmienz baengz cebbyomh, ndukndek byaij daengz henz roenfaz, vaehvae hiet ndang roengzbae, lij mbouj nanz geijlai. Hoeng de byaij gvaq roenfaz, yaek bin hwnj daizcajci baihaenx, cix mbouj heih lo. Song fwngz de baengh baihgwnz, song din caiq diem hwnjdaeuj; ndang biz de ngeng coh baihsuix didi, guh yiengh roengzrengz. Seizneix gou raen ngauezlaeng de, raemxda gou doq doek roengzdaeuj lo.

(柳州市 *Cinz Cozhauj*/覃作好)

Gou yawjraen de daenj aen mauh baengz ndaem iq he, geu maxgeb hung baengz ndaem he, geu buhmienz saeko, saemxsax byaij daengz henz dietloh, menhmenh gungj aen ndang roengzbae, mbouj mizmaz dwgrengz. Hoeng de ndonj gvaq dietloh, aeu benz hwnj camhdaiz mbienghaenx, couh mbouj ngaih lo. De aeu song cik fwngz venj youq gwnzde, song cik din caiq suk doxhwnj, aen ndang bizbw de loq nyeng coh baihsuix, gij yiengh yienh ndaej gig dwgrengz. Seizneix gou yawjraen raeblaeng de, raemxda gou gig vaiq couh lae roengzdaeuj lo.

(平果市 *Danz Hijvah*/谭喜花)

Gou yawjraen de daenj aen mauh baengz ndaem iq ndeu, daenj geu buhcapack baengz ndaem ndeu, geu buhfaiq raez baengz gung ndeu, ndukndek byaij daengz henz dietloh, menhmenh iet ndang roengzbae, caemh mbouj nanz geijlai. Hoeng, de byaij gvaq dietloh, yaek bin hwnj aen

candaiz baihaenx, couh mbouj yungzheih lo. De aeu song fwngz cengq youq baihgwnz, song din caiq rwt doxhwnj; aen ndang bizbod de loq ngeng gvaq baihsuix, baenz yiengh roengzrengz haenx. Seizneix yawjraen baihaeng de, raemxda gou couh lae roengzdaeuj vaiq dangqmaz.

(西林县 *Vuz Sanglanz*/吴尚兰)

Gou yawjraen de daenj aen mauh baengz ndaem iq, daenj geu buhcapack baengz ndaem, geu buhgaeb baengz camz, ndukndek byaij daengz henz dietloh, menhmenh ngeng ndang roengzbae, lij mbouj daih nanz. Hoeng de ndonj gvaq dietloh, yaek benz hwnj gwnz yezdaiz baihaenx, couh mbouj heih lo. De aeu song fwngz dawz baihgwnz, song din caiq coh baihgwnz suk; de dawz aen ndang bizbwbtwt loq ngeng coh baihsuix, yienh'ok yienghcej roengzrengz. Seizneix gou yawjraen raeblaeng de, raemxda gou gig vaiq lae roengzdaeuj.

(忻城县 *Loz Lantzgyauh*/罗兰姣)

Gou raen de daenj aen mauh baengz ndaem ndeu, baihrog sonx buhmbengq ndaem, baihdaw dwg buhmienz saekceb raez ndeu, saemxsaemx saxsax byaij daengz bien dietloh, yaeng'yaeng ngeng ndang roengzbae, lij mbouj suengq gwnrengz. Hoeng de hamj gvaq dietloh, yaek bin hwnj gwnz candaiz baihaenx, couh mbouj yungzheih lo. De song fwngz benz youq baihgwnz, song ga caiq suk hwnjbae; de dawz aen ndang bizbw ngengq coh baihsuix, yienh ndaej gig okrengz. Seizneix gou raen duzngaeuz de, raemxda gou gig vaiq loenq roengzdaeuj lo.

(平果市 *Yiz Ciz*/余执)